

Nεemii **Di mpátiri to tii náan̄ti**

Nεemii kó dipátiri ti náá nNεemii kpéi nke, wèè do tú okpààti Aditakisesei kóo t̄nti diewè. Kòo kòbe mabèe kò nSedisademmu kèwētēnī kóò nàké Sedisademmu eì domè kè dè dò mmesém̄mè kòo tì kèè kòo yèmmèe caàrè mediè. Mēm̄m̄e kòo m̄o kuce okpààti ke bo kò nkéyà Sedisademmu do m̄è botí, ke bo w̄ete kémaá iduotí kémaánè dihèi.

Nεemii k̄onyauti kpéi ndo te kè kuduotí maá kédeè, dè do ò yòun̄emu mediè, ke yé be dootit̄bè do bom̄emu ke dó k̄epaa mmut̄mmú, kòo ndake be kpéi nke yáúkunko bet̄mbè k̄nti, kè kuduotí kó mumarim̄u deè yewè sipísìn̄ummù nè yèdéè miēke.

Nεemii do dó k̄ēt̄ntemu kuduotí kup̄ankù ò maá kù kó dibanni, k̄ēbenke bè dò nk̄emp̄i mm̄è botí Kuyie nc̄iēt̄è nè bèè p̄i nte miēke mut̄mmú, nè bè bo ndakemè teom̄p̄ut̄è yìè kpéi.

Di mpátiri náan̄ti duó ke d̄ommè

1. Okpààti Aditakisesei p̄amè Nεemii kuce kòo bo kò nk̄ép̄àrè Sedisademmu 1:1-2:10
2. Bè w̄ete ke maámè Sedisademmu kó iduotí 2:11-7:72
3. Esitadasi k̄ammè Kuyie nkuó pátiri kè Sifube banté bè yet̄n̄m̄è Kuyie 8-10
4. Nεemii do p̄i mm̄u t̄mmú temù 11-13

Bè nàk̄émè Nεemii Sedisademmu kp̄eti d̄ommè

yu. ¹⁰ Ti Yiè nKuyie nti tú a tōmbè mbe, a nìtìbè, fṣṣò ti deetè nè a kó tikpetì nè a wērí mú diemù. ¹¹ Áú! N Yiè nKuyie, kénté mí nha kóo tōntí, n da báámmè, a kó betōmbè tǎbè bèè da dé, bè da báámmè, dǎò n da mǎú tì, yóu kòo kpààtì n kénté.

De mǎnnì mǎi do tú wèè yaurí okpààtì menàà nkòò yṣ.

2

Bè pāmè Neemii kuce kòò bo kò nSedisademmu

¹ Okpààtì Aditakisesei kpàtì benni sipísidè kperi mieke bake, otànkù bè tu wè Nisāā* o mieke, ke sṣ ndè tu n kó meffìe mme m bo duómmè okpààtì menàà. Kè n túóté menàà ké mmè yaurí okpààtì, kè n yèmmè cààrè, mè mu nyí cààrè diyìè marì o ìkè.

² Kòo kpààtì m beké ke dò: A yèmmè cààrè nè ba? A kǎntì baa naatimaà? Yáà tìmatì tìi da kǎnnè?

Kè n kǎmbùṣṣì do mediè. ³ Kè nhò nàké ke dò: Okpààtì mbo sǎá! N yèmmè bo yīme ke báá cààrè dihei n yembè kūrì di pǎnte dii mǎnnì kè yecàkè yèè kpetí dihei kó iduotí kè yè cǎúté? ⁴ Kòo kpààtì m beké ke dò: A yèmmè dǎmmè?

Nè n yèmmè mieke kè m bántè Kuyie nkunku kùu bo keĩnkè, ⁵ kébéinnè okpààtì ke dò: Okpààtì kàa bo yie nké n dǎò diwèi, mí nha kóo tǎntì, m pǎ kuce kè n kǎte Sudaa tenkè n yembè kūrì dii èi kèwēte ké di mǎá.

⁶ Kòo kpààtì m beké ke dò: A dǎ kémǎnte kè dè mmamè? A bo wētení òmmǎnnì?

* **2:1** Nisāā: Bè do kaammè betǎàbè nè ti bè kaammè dè í wē. Be kóo tǎnkù Nisāā berínè ti kó betǎàbè otǎánwè nè onaanwè de cuokè nke (tibéntì nè dinótǎòrì de cuokè).

Kε s̄ nhonitipokpààti kàri koò pèkénè, kè nh ò nàké m bo wētēnī dīi m̀nni, kè dè nhò sànnè, kòò yie nke d̀: K̀te. ⁷ K̀ n yíe ke d̀: Okpààti k̀a bo yie nhá n duó nyepáte yèè bo nte kè kukó nyáà kóo k̀m̀andáàbè n yóu kè m p̄ēté k̀tuəke Sudaa tenkè, ⁸ k̀ n duónnè dipátiri terì m bo duó ndi Asafu wèè bàa f̄ nhokpààti a tie nkòo n duó nyidei kè n d̀d̀nè yecàkè, yèè bo kpetinné tec̀kpetè tèè t̀kénè Kuyie nc̄tè nè dihei kó kuduotí nè n c̄tè n yó mbo tè.

Kòo kpààtii yie nke yè nni nduó nke yé Kuyie ndo m bonèmè kè n d̀ari mesàà. ⁹ Mem̀me kè n tuəke kukó nyáà kóo k̀m̀andáàbè borè kè bè duó nyepáte. Okpààti do duó nkè behāāp̀mbè iwēi yembè nè besāndèèbè kè bèè n cíe. ¹⁰ Odoniibe botí kou Sāmbadaa nè Tobiya wèè do ò p̀koo ke baké Am̄ō ei, kè bèè keè òm̀ou k̀tenimè ke bo tũnte Isidayeyiribe kpeti, kè dèè bè yonke mediè.

Neemii cemmè Sedisademmu ke pààrè iduotí

¹¹ K̀ n tuəke Sedisademmu k̀mməke yewe yètāāti, ¹² bá m mu nyí nàké òm̀ou Kuyie nyè n d̀ò tì Sedisademmu, k̀íté keyènkè k̀deke nsāmmarímú kè benitibè mabè n cíe, fèḏfè mafè do í ti neínè kè dè í tú n do deke wèè sāmmarímú. ¹³ Mem̀me n yitèmè keyènkè k̀ye kubiriku bíkè kó dibòri ke k̀tè k̀nwetí musimmù binte nè dibòri bè tu di tikùti kó dibòri, k̀nwéite mesàà Sedisademmu kó iduotí k̀ns̄ nyi dùute duute kè yecàkè c̀s̄. ¹⁴ K̀ n k̀tè k̀p̄ēté t̀binte kó dibòri k̀nwetí okpààti kó kubinku, kè n dèke wèè sāmmarímú t̀nke í mpètè meḏè nke bo p̄ēté. ¹⁵ K̀ n yóu k̀tũnne dikondaa k̀bóu, keyènkè k̀m̀áà bəke, ke wéite kuduotí mesàà k̀k̀te k̀tũnne kubiriku kó dibòri k̀konni.

16 Bèè baké diheì be kóò mǎù do í yé n kòte kè nè m pĩ mmù. M me mmu n do í nàké tìmatì Sifube nè ikuó niùbè nè behaikènkótìbè nè bekótìbè sǎmbè, òmǎù do í yé n kòte kè. 17 De mǎnnì ndi m bè nàkémè ke dǎ: Wénténè ti bo mèè sémmè mièke, Sedisadèmmu domu ke naá ntidobontì, kòo bǎrè kó yecàkè cùó. Kǎtenèní kè ti maá Sedisadèmmu kó iduotí ke ténke bá mbo ifei mièke.

18 Mèmmè m bè nàkémè Kuyie ndo m bonèmè ke n dǎò mesàà, nè okpààti do m béinnè mèè botí. Kè bè dǎ: Íténè kè tí maá diheì!

Kè tí íténè tikǎnyauti ke bo pĩ mmutǎmmú. 19 Mèmmè Sǎmbadaa Odoniibe botí kou nè Tobiya wèè do ò pòkoo ke baké Amǎw èi, nè Adabube botí kou Kesèmmu, bè ti sènkèrimè ké nti daú ke náá nke tú: Di dǎrì ba dèndè, di dǎ kèyete okpààti kpèti ntaà?

20 Kè m bè tǎnnè ke dǎ: Kuyie nkunku kùù bo kèĩnkè kù yóó ti teennèmu, tínti ku kó betǎmbè, ti itimu ke bo maá diheì. Di í mǎke ketenkè Sedisadèmmu mièke, di í mǎke kuce, òmǎù í yé di kpéi Sedisadèmmu mièke.

3

Sifube wète ke maámè Sedisadèmmu kó kuduotí

1 Kè ikuó niùtì dièwè Ediasibu nè o tebiì ikuó niùbè tǎbè kè bèè maá bè tu dè ipe kó dibòrì, ké di kǎuté, kécónné dicàù kó idéi, kédeè kètũntè kuduotí kèntǎ kètuǎkenè ditou bè tu di tekǎutè. Kè bèè sǎoté kètuǎkenè ditou tǎrì bè tu di Ananèedi, kédeè ké kù kǎuté. 2 Be kó difǎnkúò kè Sedikoo kǎbèè sǎoté, be kó difǎnkúò kè Immuri birè Sakuu sǎoté. 3 Be kó difǎnkúò kè Asennaà bíi maá bè tu dè siyĩ

kó dibòrì kécónné ticádàòti kéãnné yecàkè kó ideí nè de kó yekpetínyè. ⁴ Be kó difōnkúò kè Akikoti bire Udiya bire Medemotii sòtè. O kó difōnkúò kè Mesesabèeri bire Bedekia bire Mesudammuu sòtè. O kó difōnkúò kè Baana bire Sakobuu sòtè. ⁵ Bembè kó difōnkúò kè Tekoaa èi kàbèe sòtè. Kè bè kó bekótìbè í ntũnne bèè bè ni mutōmmú bè bè nàà ntì, kèyete mutōmmú.

⁶ Be kó difōnkúò kè Paseyaa bire Yoyada nè Besodia bire Mesudammu kè bèe sòtè kédàò dicàù ketiri, kédèè kécónné dicàù kó ideí nè de kó ipààti nè yekpetínyè. ⁷ Be kó difōnkúò kè Kabašš èi kou Medatia nè Medonniibe botí kou Yadonni kè bèe sòtè nè Kabašš èi kàbe nè Misepaa èi kàbe. Kukó nyàà diyìè taà kèè bíékè kóo kùmàndàà kàbe do mbe. ⁸ Be kó difōnkúò kè Adaya bire Osiyèeri wèè do tú mesàò nkóo máátì kòò sòtè. O kó difōnkúò kéfeí Ananniya wèè do tú tihúúntì kóo dàòrìwè. Bè do dèè bè tōmmú Sedisadèmmu duotí pèkè dìi bōrì ndi. ⁹ Be kó difōnkúò kè Uuri bire Edefayaa sòtè, wèè do baké Sedisadèmmu èi kó dikéè. ¹⁰ Kè wenwee feí Adumafu bire Yedayaa, kòò sòtè kénwetí o cīètè ìkè, kéfeí Asabunniya bire Atuusi. ¹¹ Bembè kó difōnkúò Adimmu bire Madikia nè Pašati-Mòabu bire Asubu kè bèe sòtè kètuòkenè yepèèpūnnétuo kó mekentímè. ¹² Kè bèe deè kéfeí Adoesi bire Sadummu wèè do baké Sedisadèmmu kó diheí kó dikéè tēri wenwe nè o nitipobí. ¹³ Anunni nè Sandoaa èi kàbe kè bembè me ntó sòtè kubiriku kó dibòrì bíékè beè do kù maá kécónné yecàkè kó ideí nè de kó ipààti nè yekpetínyè, kénsòké kètuòkenè bè tu dè tikùtì kó dibòrì. ¹⁴ Bè de nkàá nkè Edekabu bire Madikia sòtè, wèè do baké Bēti-Kedèmmu kó diheí, wèè do kù maá kécónné yecàkè kó ideí ipààti

nè yekpetínyè.

¹⁵ Bε kó difōnkúò kè Kadi-Osee birε Sadummu wèè do baké Misipaa kó dihei, kòo sòoté kémaá dibòrì bè tu di tεbinte kó dibòrì kè di pī nkécónné yecàkè kó idéi nè ipàati nè yekpetínyè, kémaánè Sidoee kó kubiriku okpàati kó mupérímù také kénto kétuakènè yedētisàkè yèè kòrinè Dafiti εì. ¹⁶ Ò de ndóú nkè Asibuku birε Nεemiaa túóté, wèè do baké Bεti-Tisuu εì dikéè kénto kétuakènè Dafiti kó kufōti borè, kénto kétuakènè kubinku bè do keú kù kεpēēté kétuakènè bèè bàa okpàati bε kó tεcīētè. ¹⁷ Bε kó difōnkúò kè Defiibe wuò nkou Bani birε Deummu nè o kòbε kè bèε sòoté kédóú, kè Asabia wèè do baké Keidaa kó dihei dikéè kòo sòoté o εì kó mεfié. ¹⁸ Kè wenwee dóú, nkè Enadadi birε Binnuii tebitεε sòoté. Wèè do baké Keidaa kó dihei tεrì dikéè. ¹⁹ Kè wenwee fei Yesuaa birε Asee wèè do baké Misipaa, kòo sòoté kénwetì ditennì bè dòòrì dè tikpàrinentì, kénto kétuakènè iduotì maá dè. ²⁰ O kó difōnkúò kè Sabuyii Baduki birεε sòoté nè tikōnyauti kétuóté iduotì maá dè kénto kétuakènè ikuó nùtì diεwè Ediasibu cīētè bòrinùù. ²¹ Bε kó difōnkúò kéfeì Akikoti birε Udiya kó debire Mεdemoti, kòo túóté Ediasibu cīētè bòrinùù kénto kétuakènè tε mànkù.

²² O kó difōnkúò kè ikuó niùbè bèè yènnì yehékè yèè tókénè Sedisadεmmu kè bèε sòoté. ²³ Kè bεmbεε dóú nkè Bensamεε nè Asubu kè bèε sòoté bε cīi ìkè. Bε kó difōnkúò kè Ananniya birε Maseya kó debire Asadia sòoté o cīētè ìkè. ²⁴ Kè bεmbεε fei Enadadi birε Binnuii, kòo túóté Asadia cīētè píkù tekù kénto kétuakènè iduotì maá dè nè i kentímè. ²⁵ Kè bεmbεε fei Usaii birε Padadi, kòo túóté kuduotì kentímè kétuakε okpàati cīētè kó ditou diεrì dii benké kε tókénè dikpetíntou kó ditowaà. Kè wenwee fei

mPadosi birɛ Pedayaa ²⁶ nè bèè teénnè Kuyie nɔ́fètè tǎmbè bèè ã Oferi εì, kè bèè túóté dibòrì bè tu dì meniε nkó dibòrì dìi bo diyìè yìèní kèè bíékè kéntɔ kétuǎkenè ditou dìi benké. ²⁷ Kè Tekoaa εì kǎβεε sǎtè ditou diεrì dìi benké di ìkè, kéntɔ kétuǎkenè Oferi duotí.

²⁸ Kè ikuó nìùbèε sǎtè sisēī kó dibòrì kó mǎfiè, bá wè kòo nwetí o cǐètè. ²⁹ Bε kó difǎnkúò kè Imεε birɛ Sadaki mε ntó sǎtè kénwetí o cǐètè, kéfèi nSekanniya birɛ Semmaya wèè do tú diyìè yìèní kèè bíékè kó dibòrì kóo bàrì, kòo tó sǎtè. ³⁰ Kè wenwee deè kéfèi Sedemia birɛ Ananniya nè Tisadafu birɛ dèè do tú dεkuónnè nè Anunni, kè Bedekia birɛ Mesudammuu sǎtè kénwetí o cǐètè. ³¹ Kè wenwee deè kéfèi Madikia, wèè do máátì mεsǎ nkó tinεntì, kòo túóté bèè teé mbèè pī nKuyie nɔ́fètè miεke mutǎmmú nè bεpotambè bε cǐī kó mǎfiè mmèè wetí dibòrì bè tu dì Mifikadi, kéntɔ kétuǎkenè ditou diεrì dìi bo mεkentímè. ³² Bèè tu tisǎnεntì kó bεmáábè nè bεpotambè kè bèε túóté dikèε sǎnni kéntɔ kétuǎkenè bè tu dè ipe kó dibòrì.

Sāmbadaa nè Tobiya bè dǎmè kǎpaa nkuduotí kó mumarimù

³³ Mεm̄mε Sāmbadaa kèèèè ti maàmè kuduotí kòo miεkεε pεike kécóúté mediè kòo ti senkèrì tínti Sifubε, ³⁴ kénnáá nho kǎβε nè Sammarii kó bεhǎǎpǎmbè kε tú: Dε kó bεsǐnténitibè dǎòrì ba? Ti yóu kè bè nsǎké kε pī ndε kó mutǎmmú kè mù dèèà? Diyìè òimáà kó mutǎmmú dǎkε. Yεtǎrè yèè diε nkε cǎúté, bè bo na kέwεtε kέyíi ndε kó tidobontì kέfíε nKuyie nyiwũǎà?

³⁵ Dè do sǐ nTobiya Am̄niibε botí kou wèè bo Sāmbadaa borè, kέbéi nkε dò: Yóunè kè bèε maá! Kè

tekpamotè dèke de kó kuduotí kùù maánè yetárè kù dotimu.

³⁶ De mònni kè m bántè Kuyie nke dò: Ti Yiè nKuyie nwénté bè ti sènkèrimè, yóu kè yesáãmbè bè ti sáá nyèe do be yó ìnkè, yóu kè bèe bè pīrmú kékònnè dihei teri kè bèe naa ntidaati kèdi ifei. ³⁷ Báá bè cīé, báá ūté be yei, bè ti cààremu tínti bèe maà kuduotí.

³⁸ Memme kè ti maá kuduotí ké kù tũnte kéfíté kè meokùmè mèe máa nkpaá kũmmú. Benitibè do pī mmutõmmú nè be yèmmè memou ndi.

4

¹ Sãmbadaa nè Tobiya nè Adabube nè Amõniibe nè Asidodiibe bè kèè dii mònni ti maámè kuduotí ke ÿti yefõtè ke fité, kè be miekee peike mediè. ² Kè bèe wënné bemou ke bo kotení kèdo Sedisademmu kòò cãke. ³ Kè tí kuõnnè Kuyie nkéwaá mbèè bo mbaa dihei kuyie nnè keyènkè, kè bè báá tanní. ⁴ Kè Sudaa kobe náá nke tú:
Betõmbè òumu!

Dèè pùò nkè dè deu,
ti báá na kémaá kuduotí kédeè.

⁵ Kè ti dootitabè bie náá nke tú: Bè í yó ndake ti kpéi nkè, tí bè do ké bè kùò kè mutõmmú paà.

Neemii duõmmè betõmbè tikpàrinenti

⁶ Sifube bèè bo ti dootitabè ekè fitimè kè bè nkòrini kuce mepéu ke ti náá nke tú: Bè kèrínimu tipíti timou ke bo ti do. ⁷ Memme kè nh oo nhoo mbenitibè kuduotí fõnkúò yefõtè mieke ké bè tũnne be naàmuntì dò ndòmmè, kè bè ntò be se nè be kpãà nnè be tãnnè. ⁸ Kè n yà kufõwaá mbè bomè kéíté

képiéké kénáké diheì kó bekótíbè nè bebeémbè nè besombè ke dò: Di bá mbè yiékù, dentenèní Kuyie ndi tũ nkù kpeñnimè kè bè kù dé, kpannè di tebíi kpeí nnè di bí kpeí, initidaaì nè initipòì nè di pobè nè di cèí.

⁹ Memème kè ti dootitòbèe keè ti kèemè be kpeí, kébanté Kuyie ncàkemè be dó kédòò ti. De mònñi kè tí wète kuduotí borè bá wè kòo sòotè o tòmму. ¹⁰ Kè tí túóté de kó diyie nè yewe yèè kpaaní, kè betòmbè dikéè dii nní mpí mmutòmmú, kè dikéè teri tò yekpää nnè tidòpiti nè detännè ke dáátí yemátiyaàbòrè, kè bekpààtibè còrmú Sudaa kàbe fānkúò. ¹¹ Kè bemaribè mmaà, bèè bè duò ntitáti kè bè mpínnè mutòmmú sinou simasi masi kè sitesì tò tikpàrinenti. ¹² Kè bemaribè mmaà ke yi yese, kè ditáteheù yiè ncòrmú m pikù. ¹³ Kè n náké bekótíbè nè bebeémbè nè benitibè sombè ke dò: Mutòmmú deumu kuduotí í sénní kè ti dò nti bíékè ti bíékè òmòu í tókénè otòu. ¹⁴ Kè di bo kùu pikù ke kèè ditáteheù kuómmè, dí tíi nkékateni ti borè, Kuyie nti tũ nkù yóó kpàmmu ti kpeí.

¹⁵ Memème kè ti níi mpí mmutòmmú kukūwentóo nè keyènkè, ti mièke kè dikéè níi ntò yekpää. ¹⁶ Kè n náké bèè ni mutòmmú ke dò: Bá wè nè o kó difñni bè níi nyié nSedisademmu mièke ke níi nti baa keyènkè, kè de wenté bè mpí mmutòmmú. ¹⁷ Mí nnè n tebíi nè n kó betòmbè nè ti bàribè bèè ti néinè, òmòu í ndei o yààti, bá wè kòo mpikú kukpàrinenkù o nòutè youte.

5

Neemii yetemè Sifube bo wète kénfèũkomè be tebíi

1 Diiyè mari kè Sifube mabè, benitidaabè nè benitipòbèè íté kénséí mbe tebíí mediè. 2 Kè bè náá nke tú: Tínti nè ti bí ti sūmu initidaaì nè initipòì dí ti duó ntidiiti kè tí nyo nke fòùnè. 3 Kè betòbè tu: Dikònni ãã tanní kè ti duó ndepaa nde nè ti kó titebiiti nè ti cǐí kè bè bo ti duó ntidiiti. 4 Kè betòbè tu ti ã ndò nkéyietí okpààtì dàm-pòò kèpentemu kè bè yietí ti paa nnè fínyí kó detie. 5 Ti me ntu meyií mmémàá kòbe mbe, be bí í pǎǎtè ti kpèyi, nè memme kè ti dò nkéduó nti bí initidaaì nè initipòì kè ìi náá mbe kó tidaatì. Ti bí initipòì mai naámmu be kó tidaatì kǎpí mbe tǎmmú. Tí í mǎke ti bo yímè, ti paa nnè fínyí kó detie, betòbè bèè dè tieke.

6 N kèè dii mǎnni de kó tináàntì kè dè n yonke mediè. 7 Kè meyèmmè mamè n tanní kéndò n kpannè dihéì kó bekótíbè nè bebeémbè, kè bè nàké ke tú dè dòmmè kè di diinko di tebíí mesémmè. Memme n yumè metíímmè diemè, 8 kè bè beke ke dò: Ti wǎte ke do nti tebíí bè do fíítí sì betòbè cie, kè sì tu tidaatì, kè di né wǎte kè sì fiiti di miékaà?

Kè bè ndò nkáré, òmòù í mpèté kébéi. 9 Kè m bè nàké ke dò: Di dǎri dè í wenni, di dò nkéndému Kuyie nkè dǎe yie nkè ti báá ànné timáá ifei ibotí teì ìikè, ìi tu ti dootitòbè. 10 Mí m mómumu nnè n tebíí nè n kó betũmbè ti múnke do pèntemu benitibè idiítí nè tidiiti, ti dè mbè pǎ, ti báá bè beke de kó yebàà. 11 Di do cuó bèè kó depaa mbè di bannè mèè kpéi, dí dè mbè tǎnné yíe nyíe. Be paa nnè be fínyí kó detie nnè odífíe kperè nè be cǐí nè be diiti nè menaábémmè nè mekùd di do bè pènte dè nè di do dó kè cǎnte dè. 12 Kè bèè yie mbemou ke dò: Ti yóó dǎomu a ti nàké tì, ti bo bè tǎnné ti do cuó dè bá ti ténke báá bè beke dǎmarè.

Memme kè n tí nyikuó niùbè kéduó nkè bèe parikè benitibè iikè ke dò bè bo dɔdò bè béi ntì. ¹³ De kó difɔnkúò kè n kpááté n yaàyòrì kébéi nke dò: Kè wèè í dɔdò ò béi ntì Kuyie nyóó ò kpááté meè botí kóò dènnè o cīètè kòo paà o kperè demou ke ténke bá mmàke dèmarè. Ditīnnì dimou kè di dò: Dè mme ndò.

Kè bèe sānte Kuyie nkè benitibèe dɔdò bè béi ntì.

¹⁴ Nè n naámmè Sifube kóo kùmàndáà Sudaq tenké okpààti Aditakisési kpàti benni sipísidé kperi mieke kéntɔ kétuakenní yebie nsipísitāāti dè mòke yíe nyebie ntepiítè nè yèdèè mí nnè n kòbe ti í beke bè dò nkéyietí dè kùmàndáà. ¹⁵ Bèè n niiténè ke naá nkùmàndáàbè be do fēũnkomu benitibè ke békú idiítí nè menaà nke cɔú dāmpóò medítibii nsipísinàà sinàà bá dii yiè, kè kùmàndáà kó betũmbè múnke nfēũnko benitibè. Mí mme nyí dɔdò dende kó dimàà n dé mèè kpéi nKuyie. ¹⁶ M pètínke do pīmmu m mómumu mmuutōmmú ke maà kuduotí, n kòbe bemou bèè m bonè kè bè múnke pī mmuutōmmú. N yí donté òmòu kó kupaku kudonku sām̀pókù n tú mèè kpéi kùmàndáà. ¹⁷ Sifube kó bekótibè nè bebeémbè bèè do yo n kó mudii bè do bo tekòutè nè sipísinùmmù (150) ndi ke né mbúútí bèè do iitiní ibotí tēi ìi ti tókénè i mieke ke kərini. ¹⁸ Bá dii yiè n do ãã donténè n kó idiítí nyi fenààfè nè yepedakè mekùò nkpeye yekuò ke né yíénè sikoó. Yewe tepiítè menaà nyenaadó yenaadó. Bá nè memme n yí bè beke ke tú bè nni nyietì be dò nké n yietì dè kùmàndáà ke yé kuduotí kó mumarimù do túmè mutōmmú cēémù mmu dihei yembè kpéi.

19 Áú Kuyie! M pĩ mmùù tōmmú benìtìbè biè nkpéí mmù deumu, a báá yè n kpéí.

6

Bè maámè kuduotí kédeè

1 Bè nàké dìi mōnnì Sāmbadaa nè Tobiya nè Kesemmu Adabube botí kou nè ti dootitòbè ti maámè kuduotí ke deè kè mēfìè mmamè í kpaá. Dè do sǒ m mu nyí cònné yecàkè kó ideí. 2 Sāmbadaa nè Kesemmu kè bèè tōnní kè bè n nàké ke dò n kòtoo kè tí máá Kefedimmu Onṳṳ biriku kénáké. Nè be yèmmè mièke ke né dǒ ké n dǒṳṳ meyei. 3 Kè n tōnkoo kè bèè bè nàké ke dǒ: M pĩ mmùù tōmmú í tú musànpǒmù, m báá na ké mù kǔnné kékòtoo ké bè yà, kè n yìté, mutōmmú yóó cómmúmu. 4 Kuce mènàà bè n duōnnímè dipátíri kè dì tǒ tináàntì tìmàà. Kè m múnke mbè tēhñnìko metēnnímè mēmàà. 5 Kuce mènùmmù Sāmbadaa tōnnènnímè o kóo tǒntì dipátíri kè dì feí, 6 ke wàri ke tú yehékè yemṳṳ kòbe náámmu kè Kesemmu nàá nke tú: Fǒ nnè Sifube sṳṳbe di dǒ kébṳṳ nhokpààtì nwe, kè deè te kàa maá kuduotí ke bo naá nSedisademmu kóo kpààtì, 7 kè kanne ikuó nìùbè bèè yóó pǐéké Sedisademmu mièke a tùmè Suda kòbe kóo kpààtì. Okpààtì yóó tì kèèmu. Dè te kè n tu á kǎtení kè ti nàké. 8 Kè nh ò tēhñé ke dǒ: A me nnàké tì òmṳṳ weè í tì béi, fǒṳṳ yèmmè mè dǒ nkè fǒṳṳ tì keuté ke náá. 9 Bè dǒ kédonné ti kōmbùòtì nti ke náá nke tú: Be kǒntì bo yārike kè mutōmmúu cómmú.

N Yiè nKuyie nhá n kpénkùnnè n tōmmú mièke.

kóo sapàà. ¹⁹ Kè bè nhò sántí n yìikè ke tau n náàntì koò náá. Memme kè Tobiya wāriní yepáte ke bo yárikùnnè n kǎntì.

7

Bè kànnemè bebàribè dihei kpéi

¹ Kuduotí maá dìi mǎnnì kédeè kè n cónné yebòrè kó idei nè yecàkè kédeè, bèe yó mbaa yebòrè nè beyendembè nè Defibe kè bèe keté be tǎmmú. ² Kè n túóté n tebite Ananni kébàá nSedisademmu kétúóté Ananniya behāpòmbè kóo kótí kóo mbaké tecēkpetè. Ò do tú onitì wèè dǎdri wènwe ò béi ntì ke dé Kuyie nkè dè pēēté besǎmbe péu. ³ Kè m bè nàké ke dǎ: Sedisademmu kó yebòrè ní baa kpeté kè diyie í tǎnkè, kuyuoku ké nyè kpetí. Bèè bàa yebòrè kè bè bo ke cǎmmú be karè bè karè. Kè m bè nàké ke dǎ bèe maá didènni bèè yó mbaa dihei be kpéi, bá wè o kó dikari mbo o cǎtè è iikè. ⁴ Sedisademmu èi do pēkèmu ke deu, benitibè né í nsū di mieke, sicéi mu ndo í maá kédeè.

Bè kàammè Sifube bèè bo Sedisademmu

⁵ Kè Kuyie nni mbéinnè kè n tíi ndiheì kó bekótibè nè bebeémbè nè benitibè sǎmbe. Kè n duó nkè bèe kaa mbenitibè kè n wénté bèe do niité kékonní Sedisademmu be yètè wàri dìi pátiri mieke káyà yeyètè yèè mè ntūnní.

⁶ Nte okpàati Nebukannesaa kó dimǎnni bè do pǎmmú bè kékonnè Babidǎnni, kè kusūkùu wēte kékò nSedisademmu Sudaa tenkè, bá wè kòo kari o èi. ⁷ Bèè do nēinè Sodobabēedi kékonní beè yètè tu yie: Sosuwee nè Neemii nè Asadia nè Adammia nè Naamanni nè Mǎdokaii nè Bidisanni nè Misipedeti

nè Bikibaii nè Neummu nè Baana. Nte be naàmùnti dò ndòmmè.

8 Kè Padeosi naàmùnkù kɔbe mbo sikɔupísídé nè tekòutè nè sipísìyiekè nè bèdébé (2172).

9 Kè Sefatia naàmùnkù kɔbe mbo sikɔusitàāti nè sipísìyiekè nè bèdébé (372).

10 Kè Adaa naàmùnkù kɔbe mbo sikɔusìkuò nè sipísìnùmmù nè bèdébé (652).

11 Kè Sosuwee nè Yoabu be yaàbire Pasati-Mɔabu kó kunaàmùnkù kɔbe mbo sikɔupísídé nè sikɔusìni nè tepítè nè bèni (2818).

12 Kè Edammu naàmùnkù kɔbe mbo tekòupíítè nè sikɔusídé nè sipísìnùmmù nè bènàà (10254).

13 Kè Satuu naàmùnkù kɔbe mbo sikɔusìni nè sipísìnàà nè bènùmmù (845).

14 Kè Sakaii naàmùnkù kɔbe mbo sikɔusìyiekè nè sipísìkuò (760).

15 Kè Binnuii naàmùnkù kɔbe mbo sikɔusìkuò nè sipísìnàà nè bèni (648).

16 Kè Bebaii naàmùnkù kɔbe mbo sikɔusìkuò nè sipísídé nè bèni (628).

17 Kè Asikadi naàmùnkù kɔbe mbo sikɔupísídé nè sipísitàāti nè sipísídé nè bèdébé (2322).

18 Kè Adonnikammu naàmùnkù kɔbe mbo sikɔusìkuò nè sipísìkuò nè bèyiekè (667).

19 Bikibaii naàmùnkù kɔbe mbo sikɔupísídé nè sipísìkuò nè bèyiekè (267).

20 Kè Adinni naàmùnkù kɔbe mbo sikɔusìkuò nè sipísìnùmmù nè bènùmmù (655).

21 Kè Esekiasi yaàbire Atee naàmùnkù kɔbe mbo sipísìwei nè bèni.

22 Kè Asummu naàmùnkù kɔbe mbo sikɔusitàāti nè sipísídé nè bèni (328).

23 Kè Besaii naàmùnkù kàbe míbo sikòusitàāti nè sipísidé nè bènàà (324).

24 Kè Adifi naàmùnkù kàbe míbo tekòùtè nè teríítè nè bèdébè (112).

25 Kè Kabaḏḏ èi kàbe míbo sipísìwei nè bènùmmù (95).

26 Kè Betideemmu nè Netofaa kè de kó yehèkè kàbe míbo tekòùtè nè sipísìni nè bèni (188).

27 Anatōti èi kàbe míbo tekòùtè nè sipísidé nè bèni (128).

28 Kè Bèti-Asimmafeti èi kàbe míbo sipísìnàà nè bèdébè.

29 Kè Kidiya-Yeadimmu nè Kefidaa nè Bedōti kè de ekè kàbe míbo sikòusìyiekè nè sipísìnàà nè bètāāti (743).

30 Kè Damaa nè Kebaa ke de ekè kàbe míbo sikòusìkuò nè sipísidé nè òmáà (621).

31 Kè Mikimasi èi kàbe míbo tekòùtè nè sipísidé nè bèdébè (122).

32 Kè Betēēdi nè Aii kè de ekè kàbe míbo tekòùtè nè sipísidé nè bètāāti (123).

33 Kè Nēbo kó dihèi terì kàbe míbo sipísìnùmmù nè bèdébè.

34 Kè Edammu tōù kó kunaàmùnkù kàbe míbo tekòùpíítè nè sikòusidé nè sipísìnùmmù nè bènàà (1254).

35 Kè Adimmu naàmùnkù kàbe míbo sikòusitàāti nè sipísidé (320).

36 Kè Sedikoo èi kàbe míbo sikòusitàāti nè sipísìnàà nè bènùmmù (345).

37 Dōdi nè Adidi nè Onḡ ekè kàbe míbo sikòusìyiekè nè sipísidé nè òmáà (721).

38 Kè Senaa èi kàbe míbo sikòupísitàāti nè sikòusìwei nè sipísitàāti (3930).

39 Kè ikuá niùti Sosuwee yaàbirε Yedaya naàmùnkù kàbe ríbo sikòusiwei nè sipísìyiekè nè bètàāti (973).

40 Imεε naàmùnkù kàbe ríbo tekòupíitè nè sikòusinùmmù nè bèdébè (1052).

41 Kè Pasuu naàmùnkù kàbe ríbo tekòupíitè nè sikòusidé nè sipísìnàà nè bèyiekè (1247).

42 Kè Abimmu naàmùnkù kàbe ríbo tekòupíitè nè tepíitè nè bèyiekè (1017).

43 Kè Defiibe kó kunaàmùnkù kàbe ntú bie: Odefaa yaàbí Sosuwee nè Kadimiēdi be naàmùnkù sipísìyiekè nè bènàà.

44 Kuyie ncīētè kó bedèmbè miεε Asafu naàmùnkù kàbe tekòutè nè sipísìnàà nè bèni (148).

45 Bèè bàa yebòrè be miεε Sadummu nè Ateε nè Tadimōō nè Akubu nè Atita nè Sobaii be naàmùnti kàbe tekòutè nè sipísitāāti nè bèni (138).

46 Kè Kuyie ncīētè tōmbè kó ditīnni kàbe ntú bie: Tisisa nè Asufa nè Tabaati ⁴⁷ nè Kedosi nè Siya nè Padonni ⁴⁸ nè Debanaa nè Akaba nè Sadimaii ⁴⁹ Annani nè Kidēdi nè Kasaa ⁵⁰ nè Edeayaa nè Edesinni nè Nekodaa ⁵¹ nè Kasammu nè Usaa nè Paseyaa ⁵² nè Besaii nè Meunimmu nè Nefusesimmu ⁵³ Bakibuku nè Akufa nè Aduuri ⁵⁴ nè Batisidouti nè Meidaa nè Adisa ⁵⁵ nè Badikosi nè Sisedaa nè Temaa, ⁵⁶ nè Netisia nè Atifa.

57 Sodomōō kó betōmbè naàmùnti kàbe do tú bie: Sotaii nè Sofedeti nè Pedida, ⁵⁸ Yaada nè Dadikonni nè Kidēdi, ⁵⁹ Sefatia nè Atidi nè Pokedeti-Asebaimmu nè Amōō.

60 Bèe do tú Kuyie ncĩtètè kó betōmbè nè Sodomō kó betōmbè yaabí kè bèe wēnné kēmbō sikōusitāāti nè sipísiwei nè bédébè (392).

61 Bèè do ité Babidōnni kékonní Sedisadēmmu ke í nna kénáké be yaaribè yètè kébenke bè tumè Isidayēeribe bèe do tú: Tēdi-Mēdaa nè Tēdi-Adisaa nè Kedubu-Adonni nè Imēē ekè kōbe. 62 Bēmōu kè bèe wēnné kēmbō sikōusikuò nè sipísinàà nè bédébè (642). Dedaya nè Tobiya nè Nēkoda be yaabí nyi mēmmē.

63 Ikuó niùbè miēke kè bèmabè ríbo ke tú: Obayaa nè Akikoti nè Badisidaii be naàmùnti kōbe. Badisidaii do tūóté Badisidaii Kadaadi eì kou kōo sapàà nwe kè bèe ò yu o yètiri. 64 Kōo wammú o botí kōbe pátiri miēke o yètiri kémónté kè bèe bè dēnne ikuó tōmmú miēke. 65 Kè kùmàndáà bè nàké ke dà: Bè báá di bè pā mùù dii Kuyie kénkémúnè ikuó niùti bo beémme Kuyie nnè ikuó nenti bè tu ti udimmu nè tumimmu.

66 Isidayēeribe bèè ité Babidōnni ke konní Sedisadēmmu bè do bo sikōupísinàà nè sikōupísidé nè sikōusitāāti nè sipísikuò ndi (42360). 67 Kè bèe neínè betōmbè benitidaabè nè benitipòbè sikōupísiyiekè nè sikōusitāāti nè sipísitāāti nè bèyiekè (7337). Bedèmbè benitidaabè nè benitipòbè kè bè ríbo sikōusidé nè sipísinàà nè bènùmmù (245), 68 ke mōkenè yōyóbè sikōusinàà nè sipísitāāti nè bènùmmù (435). Sāmmarímú sikōupísikuò nè sikōusiyiekè nè sipísidé (6720). 69 Kè dihei kó bekótibè mabēē pāmmú yepārè kè bè bo maánè Kuyie ncĩtètè. Kè kùmàndáà pā yesōwèrè tekōupítè (1000). Yēbō bè bo mméinè yè meyiĩ nsipísinùmmù

yeḱautéyaàbòrè sikousinùmmù nè sipísitàāti (530) kè bè bo mpīnnè Kuyie nciētè miεε ikuó tōmmú.
⁷⁰ Behèikènkótibè do pāmmú yèè pāre miεε kè mesəə nní mbo yeəəwèrè sikouipísidé (20000) nè timáti péiti cidóòbè tekoupiítè nè tekòutè (1100).
⁷¹ Kè Isidayεεribe səmbεε pā yeəəwèrè sikouipísidé (20000), timáti péiti cidóòbè tekoupiítè (1000) nè yeḱautéyaàbòrè sipísikuó nè yèyiekè ikuó niùbè kpéi.

⁷² Ikuó niùbè nè Defiibe nè bèè bàa yebòrè nè bedèmbè nè Isidayεεribe miεε bèmabè bèè pī mmutōmmú Kuyie nciētè miεε nè Isidayεεribe səmbε kè bèè kari be ekè be ekè.

8

Esitadasi do kàammè Kuyie nkuó benitibè ìkè

Dibenni tǎnkù yiénwè miεε kè Isidayεεribe íténi be ekè bè do bo yèè miεε. ¹ Kè Isidayεεribeε wēnné dinùù kétéi mbè tu dii bòri meniε nkó dibòri, kénáké ikuó wǎāti Esitadasi ke dò wèe túóténi Kuyie nkuó pátiri kù do duó nkè Məyiisii wāri di. ² Memme kè ikuó niùti Esitadasii túóténi Kuyie nkuó pátiri kè benitibèε tíi, mbenitidaabè nè benitipòbè nè bèè kó dimàà màke meyèmmè ke bo na kékeè, otǎnkù yiénwè kó diyie ketiri do ndi. ³ Dεndε dibòri bè tu di meniε nkó dibòri ò kàammè Kuyie nkuó pátiri ké ndi kàà ndikūnweñni kè diyie yàa cónnénè yeyə, kòo di kàà mbenitidaabè nè benitipòbè nè bèè kó dimàà dò nkéna kékeè. Bεməu kè bè kémú.

⁴ Bè do dǎà diwūštǎnni ndi nè idéi kè Esitadasi ndeke di ìnkè. Matitia nè Semma nè Annaya nè Udii nè Idikiya nè Maseya kè bè còmú o bakù

you. Pedaya nè Mikayeedi nè Madikia nè Asummu nè Asibadana nè Sekadii nè Mesudammu kè bè bo kucànkù. ⁵ Kè Esitadasii pĩnte dipátiri benitibè bemou ìike, kè bèe di yà ke yé ò do cómmúmè de iitirè nde. Ò di pĩnte dii mǎnni kè bèe íté kécómmú. ⁶ Kè Esitadasii sǎnte Kuyie nkperíkù kè benitibè bemou cóuté ke dǎ: Dè mme ndò. Kédo kénínkú késĩnnóo ketenkè, ⁷ kékíténí kécómmóo Defiibe bèè do tú ikuó niùbè, kè bè mbè tiè Kuyie nkuó bè kàa nyi ìnkè, bèè Defiibe yètè do tú: Sosuwee nè Bani nè Sedebia nè Yaminni nè Akubu nè Sabetaii nè Odia nè Maseya nè Keitaa nè Asadia nè Yosabadi nè Annani nè Pedayaa. ⁸ Kè Esitadasi nkaa nKuyie nkuó pátiri kè dè feí ke ti wèírkùnkò, ke náá mbenitibè ti tu mù, kè bè kèmmú.

⁹ Kè benitibè bemouu ti kèè nkétiité yedabùò. Memme kùmàndáà Neemii nè ikuó niùti Esitadasi nè Defiibe bèè do duò nyitié mbenitibè kè bèe náké benitibè ke dǎ: Bá nkuðnnè, yíe nkó diyìè tu Kuyie nkperi ndi.

¹⁰ Kǎtenè kédi tidiiti sààti kégǎ menà nsààmè, kòò mǎu bo di cuokè ke í mǎke, dí ò toténè. Yíe nkó diyìè tu Kuyie nkperi ndi, di yèmmè báá cààrè, yóunè kè Kuyie ndi duó ndì wèi ntú di kó muwèrímú.

¹¹ Kè Defiibe mbáá mbenitibè ke tú: Cíékénè, yíe nkó diyìè tu Kuyie nkperi ndi, báá yóunè kè di yèmmèè cààrè.

¹² Memme kè benitibèe kǎte kédi kégǎ menà kèpǎmmú be kǎbe tidiiti kè diwèi mbè bo mediè nke yé bè do kèèmèmu bè bè nàké ti.

Bè do baámmè titouti kó dibanni

¹³ Otǎnkù yíe dérì yíè, beheikènkótíbè nè ikuó niùbè nè Defiibe kè bèe tí nyikuó wǎàti Esitadasi

borè kénwéí Kuyie nkuó pátíri ò bè kàa ndì kó tináaàntì. ¹⁴ Kè bèe yà ikuó pátíri Kuyie ndo duó nkè Mòyiisii wàri dì mièke tì wàrimè ke tú Isidayeeriibe dò nkémbo titouti mièke nke otànkù yiénwè kó dibanni mièke. ¹⁵ Memème bè yàmè ke dò bè dò nképĩéké yehékè yemou mièke nè Sedisademmu. Memème kè bèe pĩéké ke dà: Dekenè ditāri kékũnì odifìe dikpàà kou kó tifāàtì nè detie mbè tu dè mírì de kó tifāàtì nè tipuonti nè tifāpèùtì, kédòònè tì wàrimè.

¹⁶ Bè pĩéké memme kè Isidayeeriibe yè kéwaanní tifāàtì, bá wè kòo dàò kutouku o cīètè dānkù nè o pérímù mièke nè Kuyie ncīètè pérímù mièke, nè bè tu dīì bōrì meniè nkó dibōrì borè, nè dibōrì bè tu dī Efadaimmu kperi dī borè. ¹⁷ Isidayeeriibe bèè do tú tidaatì Babidōnni ke konnì Sedisademmu kè bèe dàò titouti bēmou kémbo, ke yānkūnne diwèi mesàà, ke yé nè Nunni bire Sosuwee kó dimōnni kéntō kētuōkenní de yìè bè do í dōòmè mebotí. ¹⁸ Kè bè nkaa nKuyie nkuó pátíri yewe yemou, kétúóté dibanni yìè ketiri kéntō kētuōkenè disōnni. Kè dibanni mmōke yewe yèyiekè kè diniínni ntú dibanni denni dīi yìè, kè bèe ānné metíimmè diemè ikuó yēmmè.

9

Bè kuōnnèmè Kuyie nké kù nàké bè caàrìmè

¹ Memème de kóo tānkù omāà mièke bake diyìè sipísidè nè dinaanni yìè kè Isidayeeriibe tíi mbēmou ke bo bou dinùù kédáátí tifòòtōntì kēpū mbe yō mutáá. ² Kè Isidayeeriibe kó kubotí kōbēe

banté be caàrìmè kécánnénè ibotí tɛi kɔbe kénnaá nKuyie mbe caàrìmè nè be yembè kɔme. ³ Kè bèe íté kécómmú, kè bèe kaa nKuyie nkuú pátíri kémmake tewebiètè mɛfitímè mètããti, kèdeè kè bèe sooté kénnaá nKuyie mbe caàrìmè, ke dò tewebiètè mɛfitímè mètããti ke ninku ke kù báá.

⁴ Kè Sosuwee nè Bani nè Kadimiédi nè Sebanniya nè Bunni nè Sedebia nè Banni nè Kenanni kè bèe deke diwũótõnni ìnkè ke bóúté keĩnkè, ke bánté Kuyie nnè metammè kperímè. ⁵ Kè Defiibe Sosuwee nè Kadimiédi nè Bani nè Asabunniya nè Sedebia nè Odia nè Sebanniya nè Petayaa kè bèe bɛi nke dò: Íténè kécómmú késãntɛ ti Yiè nKuyie nkuù te disãnni sãã.

Esitadasii bántèmè Kuyie

Kè Esitadasii bántè Kuyie nke dò:

Kuyie nfóò yètìrì dɛu ke dò ntí nda sãntí,
fóò yètìrì pɛ̀ɛ̀tɛ̀ yɛsãã nyɛmɔu,
fóò te disãnni.

⁶ Fó nhamáà fóò tu ti Yiè,
fóò dòò keĩnkè nè dèè kó dimàà bo keĩnkè miɛke,
fóò dòò ketenkè nè dèè kó dimàà bo ketenkè miɛke,
dàmèèrì nè dèè kó dimàà bo o miɛke.
Fóò te demɔu ke dè fòu,
keĩnkè kó bekperibè* ninku fóò ùkè ke da báá.

⁷ Ti Yiè nKuyie, fóò tããtɛ̀ Abaraammu
koò dɛ̀nnɛ Uudi Kandee kó ketenkè koò yu ke yĩ
Abarahammu.

* **9:6** keĩnkè kó bekperibè: Bè nàá mbèè kpéi die, ti í yé bèè kperibè botí nku. Mònni mari dè bo na kɛntú Kuyie ntòrè yoo diyè yoo otànkù nè siwãã.

8 Ke pénsìrì o yèmmè,
 koò dònè metaummè ke búi nke yĩ,
 a bo ò duó nKannahāa kó ketenkè,
 Itiibe nè Amōriibe nè Pedisiibe nè
 Sebusiibe nè Kidikasiibe bè bo kè,
 kòo tieke wenwe nè o yaàbíó.
 Ke dòò a búi ntì ke yé a wetímèmu.

9 Ke yà ti yembè fěũrìmè Esibiti
 kékeè be dabùò ntipèntì kóo dàméèrì pèémmè.

10 Ke dòò mmebenkùmè péu nè tidieti,
 ke benke Esibiti kóo kpààtì
 nè o kó betōmbè nè o èi kabe bemou,
 ke yé a do yàmè bè fěũnkómè ti yembè nè kemieke,
 ke bè deeté ke dēúkūnne a yètìrì
 kè di kpaá ke deu nè yíenní.

11 Ke kèété dàméèrì nie mbe nùò mmieke
 kè bè nà dekperè késénté,
 kàa diu mbèè do bè bètiní menie mmieke
 ditàrì ãã do mèè botí dibinni.

12 Ke níi mbè ni kuyie nnè diwetirì
 ké mbè ni keyènkè nè muhāā nkó diwetirì
 ké mbè mí kè bè wùó mbè kèrì dè.
 13 Kàa cùténí Sinaii tārì ñnkè ké bè béinnè,
 ké bè duó nha tié nnè a kuó
 ìi tu timómmənti kpəyi,
 nè a cìrìmù nè a tannò sààyè.

14 Kàa bè nàké a kó diyie kpéí
 dii tu teom̀pùtè yiè
 ké bè duó nha tannò nè a kuó nè a tié
 kàa kóo tōntì Mōyiisi ti mbè t̀uò.

15 Kè dikònnì bè pĩ
 kàa cũũnní mudii keĩnkè kè bèè di.
 Kè sinéyēĩ bè pĩ

kàa duó nkè menie nyènní dipèrì kè bèe yà
 kàa bè nàké ke tú,
 bèe kate kétúóté dihei a do béi nké parikè
 ke dò a yóó duó ndi be yembè
 kè bèe tieke.

16 Kè tefentè né deuté ti yembè,
 kè bèe kpénkùnnè be to kényete a kpèti
 bá bè í ntũnnè a tannò.

17 Kè bèe yè ntidièti a do dòò ti be cuokè
 kékpénkùnnè be to kényete a kpèti,
 kètããté ke bo wète Esibiti
 bè do borè ke pĩ mmudaatõmmú.

Fí nKuyie nha me ntú wèè cĩenko wè nwe,
 ke dõari mesàà nke kuò mmesémmè,
 kàa mièke boo,
 nè dè kpéi nha í mbè bontóo.

18 Bá nè bè me ndòòmè fesõmátínàdèfè kènnáá nke tú:
 Ntenè Kuyie nkùù ti dènnení Esibiti.
 Bè do da yeténèmu kènnáá nke tú:
 Ntenè Kuyie nkùù ti dènnení Esibiti.
 Bè do da yeténèmu mediè.

19 Nè a kó mesémmè diemè kpéi,
 nha í mbè yóu kè bè nháá ndikpàà mièke,
 kè diwetirì baa ní mbè ni kuyie nnè keyènkè
 ké mbè mí kè bè kèrí.

20 Kàa bè duó nha kó muyaá
 kè bè bo na kèmbaàtìnè dèè wenni,
 kàa cũnní mudii kèĩnkè kè bèe di.
 Kàa bè duó mmenie nkè bèe yà.

21 Kàa mbè to dikpàà mièke
 ke dò yebie nsipísìnàà
 bá bè í mmòhité mùmamù be yààti í nkèrí,

be naàcèi me nyí mmùúítí.

22 Kàa duó nke bèe na ibotí nè yekpààtìyò
nè yehèkè yèè bè fité
nè Esiməw kóo kpààtì Sionni tenké
nè Basãã kóo kpààtì Oku kəke.

23 Kàa duó nkè be yaàbíi sũũ
kémaatènè siwãã dòmme kéĩnkè,
kàa bè tanné dihèi a do béi nképarikè
ke dò a yóó duó ndi be yembè kè bèe dì tieke.

24 Kè bè bíi dì ta ké di tieke,
kàa duó nkè bèè do bo de kó ketenkè
kè bèe bè b̀̀úté,
kéduó nkè bèe na Kannahãã kəbe
nè be kó bekpààtìbè nè bèè bo be tenké miəke.

Kè bè mbè d̀̀̀̀ri bè bè d́́́ mmè,
25 kéfietè yehèkè iduotí fité yè
kè ye tenké naati,
kétieke sicéí kè sì piéké tinenti
nè sibií bè keú sì,
kè fínyí kó detie nnè fikíè kperè
nè titebiiti timəu botí kó detie,
kè bè nyo nke sànnè kédunne
kétuə nha bè d̀̀̀̀ mèè sàà nkpeí.

26 Nè memme kè be too kpenke
kè bèe yete a kpeti kédootóo a tié
ke ì bùtínné,
kékuə bèè nàá nha pããnáàntì
bèè do bè tiè nke tú bèe w̄̄tení a borè.
Bè do da yeténèmu mediè.

27 Memme kàa deite a ǹ̀̀̀tè be ìnkè
kè be dootitəbèe bè do mudoò,
kè bèe ta meyeñcaàrìmè miəke ke da kuónnè,

kàa r̀bo keĩnkè kékeè be dabùò.
 Nè a kó mesémmè miéke ké bè duó mbèè bo bè
 deeténè be dootitòbè.

28 Bè ta dìi m̀nni meom̀p̀mè miéke
 kéwète kéta meyei mmudò̀r̀m̀,
 kàa nóóte a ǹt̀è be ĩnkè
 kè be dootitòbèè bè na ké mbè f̀ũnko.
 Kè bè da kuónnè kàa m̀boní keĩnkè kékeè,
 ké bè deeté kuce m̀p̀éu nè a kó mesémmè k̀p̀éi.

29 Kàa bè tié nke d̀ò b̀èe ẁétení a borè,
 kè tefentèe bè deuté kè bè í nyie nke k̀énté a tié
 kéyeténè a tannò,
 bè bo ntũ nyè k̀énf̀òù,
 kè b̀èe k̀p̀énk̀unne be to,
 bè í nyie nke k̀énté a k̀peti.

30 Kàa mbè m̀ðkenè meminnímè yebie mp̀éu miéke,
 kéduó nha kó muaá mbèè nàá nha p̀ããnáànt̀i
 kè bè mbè tiè, bè mè nyí nk̀énté,
 memme kàa duó nkè yehekè teyè k̀òbeè bè na.

31 Nè a kó mesémmè k̀p̀éi nha í mbè k̀ùò bem̀,
 a í mbè dootóo,
 ke yé a túmè Kuyie nku ke d̀òri mesàà,
 ke m̀òke oǹt̀i kó mesémmè.

32 Áú! Ti Yiè nKuyie nha deumu ke k̀p̀éni,
 ke duò tik̀m̀b̀ùòt̀i.

F̀ó nwèè p̀ĩ m̀metaummè a ti d̀ònnè mè,
 a báá c̀è m̀meháár̀imè ti ta mè,
 tínti nè ti kó bek̀p̀à̀t̀ibè
 nè b̀èè baké ti kó yehekè,
 nè ikuó niùbè nè ti yembè,
 ti kó kubotí kum̀,

kétúóté Asidii kó bekpààtìbè ti do dìi yìè kéntò
kétuakenní yíe.

³³ Tìi ti tùòkení timòu ti mièke a naatimu,
a dḡḡ dè wennimu,
tîi cààrè.

³⁴ Ti kó bekpààtìbè nè bèè ti baké
nè ikuó niùbè nè ti yembè bè í yie nha tié,
bè í tūnne a kuó nè a tannò.

³⁵ Bá nè a me mbè duómme dihei
kè bè di te ke di baké,
kàa bè dḡḡ mesàa mme botí mme botí de kó
ketendiekè,

ketennatikè, bè í nyie nke da tūnne,
bè í nyóu medòòrìmè yeime.

³⁶ Nte tínti yíe nke tú tidaatì
dihei a do duó ndi ti yembè,
ke dḡ bè rḡbo ke yo ntidiiti kè dè be naati.
Tîi né naa ntidaatì yíe nde kó dihei mièke.

³⁷ Bekpààtìbè a duó nkè bèè ti na
ti yei ñkpéi bèè né yo nde kó tidiiti,
ke ti dḡòrinè bè dómè tínti nè ti wūḡ,
kè ti bo meyeñcaàrìmè diemè mièke.

10

Isidayeeri be do tããtémè ke bo ntũ nKuyie nkuó

¹ Nè dèè kó dimàà ti tùòkení de kpéi, kè ti wēnné
kédòúnne Kuyie ndinùù kéwāri dipátíri kè ti kó
bekpààtìbè nè Defiibe nè ikuó niùbè kè bèè ìkú be nḡu.

² Nte bèè do ìkú be nḡu be yètè: Akadia biré Neemii
wèè do tú kùmàndáà nè Sidikia. ³ Sedaya nè Aasadia
Idimmeya. ⁴ Pasuu nè Amadia nè Madikia ⁵ Atuusi
nè Sebanniya nè Maduki ⁶ Adimmu nè Medemoti
nè Abudiasi ⁷ Danniyeri nè Kinnetonni nè Baduki

⁸ Mesudammu nè Abiya nè Minyaminni ⁹ Masia nè Bidikaii Semmaya.

Ikuó niùbè kó kutōnkù kəbe mbe, ¹⁰ kéféi nDefiibe kó kutōnkù kəbe Asanniya bire Sosuwee, Enadadi bí miεke kè Binnuii yènní nè Kamiēdi, ¹¹ nè be tebite Sebanniya nè Odiya nè Kedita nè Pedaya nè Annani, ¹² nè Mísee nè Deəbu nè Asabia ¹³ nè Sakudi nè Sedebia nè Sebanniya ¹⁴ nè Odiya nè Bani nè Beninu.

¹⁵ Bekpààtibè kó kutōnkù miεke Padeosi nè Pasati-Məabu, nè Edammu nè Satuu nè Banni, ¹⁶ nè Bunnii nè Asikadi nè Bebaii, ¹⁷ nè Adonniya nè Bikibaii nè Adinni, ¹⁸ nè Atee nè Esekiasi nè Asuu, ¹⁹ nè Odiya nè Asummu nè Besaii, ²⁰ nè Adifi nè Anatōti nè Nəbaii, ²¹ nè Makipiasi nè Mesudammu nè Esii, ²² nè Mesesabεeri nè Sadəki nè Yaduə, ²³ nè Pedatia nè Annani nè Ananniya, ²⁴ nè Osea nè Ananniya nè Asubu, ²⁵ nè Adosesi nè Pidisa nè Sobeki, ²⁶ nè Deummu nè Asabuna nè Maseya, ²⁷ nè Aiya nè Annani nè Anaa, ²⁸ nè Maduki nè Adimmu nè Baana.

²⁹ Tínti Isidayεeribe ke né yíénè ikuó niùbè səmbe nè Defiibe nè bèè bàa yebòrè nè bedèmbè nè bèè pī nKuyie ncīètè miεke mutōmmú nè bèè kó dimàà do yatenè ibotí tēi kéntū nKuyie nkuó nè be pobè nè be bí initidaaì nè initipòì bèè kó dimàà dò nké na kékeè. ³⁰ Mēmme ti kəbe bèè tu bekótíbè kè bèe bè wənnénè kédəúnnè Kuyie ndinùù kébéi nképarikè ke dò: Ti bo ntū nku kuó nè kù do duó nyì ku kóo tōnti Məyiisi kòo ì wāri kéndəəri ku tié nnè ku kuó nè ku tannò dè yēmme.

³¹ Kè bèe yíé kébéi nke dò: Ti í yóó duó nti bí di

kè Defiibe dei de kó depíinnè kó depíinnè ké dè tanné Kuyie ncīètè kó tidiiti kó kudieku. ⁴⁰ Tεε cīètè miεε nke Isidayεεribe nè Defiibe nóδrì dè be diiti kó depíinnè ñnkè de bomè dèè tu: Tidiiti nè menà nè mekùò nè tinenti tii pīñnè Kuyie ncīètè mutōmmú ikuó niùbè nè bèè bàa yebòrè nè bedèmbè bè pīñnè ti mutōmmú.

Memme ti do dòòmè kè dè bo yie nkè ti báá dootóo Kuyie ncīètè.

11

Bè do kàammè Sifube bèè wète kékonní Sedisademmu

¹ Sifube kó bekpààtibè bèè do bo Sedisademmu. Sifube sɔmbe bèè do bo yehékè teyè kè bèè tǎǎ tété benitibè tepíitè ñnkè kédεite onitì omáà omáà kòo kɔte kέmbo Sedisademmu Kuyie nheì kè besɔmbe nkpaá be ekè. ² Memme kè benitibèε mɔɔ Kuyie nkó mesàà mbenitibè bèè duó mbemáà ke bo kɔte kέmbo Sedisademmu be kpéí.

³ Isidayεεribe sɔmbe nè ikuó niùbè nè Defiibe nè Kuyie ncīètè tōmbè nè Sadowɔɔ tōmbè yaàbí, kè bè mbo be ekè bá wè o tenké. Nte bèè do baké baké yehεikarè ke bo Sedisademmu be yètè: ⁴ Sudaa wuɔ nkɔbe mabè nè Bensamεε kɔbe mabè bè do bomu Sedisademmu.

Sudaa wuɔ nkɔbe do tú: Madadeyεedi kòo peité Sefatia, kè Sefatia peité Amadia kè Amadiaa peité Sakarii kòo peité Osia kè Osiaa peité Ataya beè do tú Pedesi naàmùnkù kɔbe. ⁵ Sidonni weè peité Sakarii, kè Sakarii peité Yoyadibu kè Yoyadibuu peité Adaya

kè Adayaa peité Asayaa kè Asayaa me ntó peité Kōdi-Osee kè Kōdi-Osee peité Baduki kòo peité Maseya. ⁶ Pedesi yaàbí miéke beè do bo Sedisadammu ke bo benitidaabè sikousinàà nè sipísikuò nè bēni (468) bēè tu yekōmbò yembè.

⁷ Esaii weè do peité Itiyēdi kè Itiyēdii peité Maseya kè Maseyaa peité Kodaya kè Kodayaa peité Pedaya kè Pedayaa me ntó peité Yoeri kòo peité Mesudammu. Bensamēe wuò nkòbe mbe beè do bo Sedisadammu, ⁸ kényiénè Kabibaii nè Sadaii kè bēe wēnnè bemou kēmbō sikousiwei nè sipísidé nè bēni (928). ⁹ Sikidi bire Sowēeri weè do baké de kó ditīnni kè Sennuyaa bire Sudaa ò pòkoo.

¹⁰ Ikuó niùbè miéke kè Yoyadibu bire Yedaya mbo nè Yakinni. ¹¹ Ikuó niùti diewè Asitubu weè do peité Medayōti, kòo peité Sadōki, kòo peité Mesudammu kòo peité Idikiya kòo peité Sedayaa. ¹² Kè bēe yiénè be naàmùnti kòbe bēè do pī nKuyie ncīētè mutōmmú, kè bēe wēnnè sikousini nè sipísidé nè bēdébè (822). Madikia weè do peité Pesuu kè Peseuu peité Sakarii kè Sakarii peité Amutisi kè Amutisii peité Pedayaa kè Pedayaa peité Yedokammu, kòo peité Adaya. ¹³ Kè bēe yiénè sicēī kó bekótibè sikousidé nè sipísinàà nè bēdébè (242) nè Amasaii beè do tú o botí kòbe: Imēe weè do peité Misidemōti kòo peité Asaii kè Asaii peité Asadēdi. ¹⁴ Nè behāpòmbè yekōmbùò yembè bēè do tú o botí kòbe Sabidieri weè do baké de kó ditīnni, ò do tú Akedodimmu bire nde.

¹⁵ Bunnii weè do peité Asabia kè Asabiaa peité Asidikammu, kòo peité Asubu, kè Asubuu peité Semmaya Defiibe botí kòbe mbe. ¹⁶ Nè Defiibe kó bekótibè bēè do baké Kuyie ncīētè towaà kó

mutōmmú Sabetaii nè Yosabadi ¹⁷ Asafu weè do peité Sabudi, kè Sabudii peité Miseen, kè Miseen peité Matanniya beè do ʒʒ niité Kuyie nsāā nkó iyie kè betòbèe né cóúté. Kè Bakibukia ntú odèrì Matanniya tebiì mièke teè ò pòkoo, kényíenè Abuda. Yedutunni weè do peité Kadari, kè Kadari peité Sammua kè Sammua né peité Abuda. ¹⁸ Defiibe beè do bo Sedisademmu bè do bo sikòusidè nè sipísini nè bènàà ndi (284).

¹⁹ De kó difōnkúò beè bàa yebòrè kè bè ntú Akubu nè o naàmùnkù kàbe beè do ʒ mbo yebòrè kè bè mbo tekòùtè nè sipísiyiekè nè bèdébè (172).

²⁰ Defiibe sòmbe nè ikuó nìùbè nè Isidayeeribe sòmbe kè bè mbo Sudaa kàbe kó yehèkè teyè mièke bá wè o èi. ²¹ Bèè do tú Kuyie ncīètè kó betōmbè beè do bo Sedisademmu kó dicēkarì bè tu dì Ofèri, Tisia nè Kisipa kè beè mbè ni.

²² Asafu weè do peité Miseen, kòo peité Matanniya kè Matanniya peité Asabia, kè Asabiaa peité Bani kòo peité Usii, kòo nni Defiibe Sedisademmu mièke, Asafu kó kunaàmùnkù kàbe mbe, beè do ni bèè tu bedèmbè kó ditīnni Kuyie ncīètè mièke. ²³ Bèè yó mbie ndebémbénnè, okpààti do wàrimu be yètè kényé ò yó mbè toti mèè botí mutōmmú bá dìi yie.

²⁴ Sedaa naàmùnkù kou Mesesabeeri bire Petayaa Sudaa wuə nkou weè do náánnè be kó diyètiri Pedesi kóo kpààti borè.

Sifube tábè beè do í bo Sedisademmu

²⁵ Sudaa wuə nkàbe mabè beè do bo Kidiya-Adiba nè o kó sihekésí kè betòbè mbo Dibonni nè o kó sihekésí kè betòbè bo Yekabusedi nè o kó sihekésí. ²⁶ Kè betòbè bo Yesuwa nè Mòdada nè

Beti-Padeti ²⁷ nɛ Asaa-Suadi nɛ Bɛɛrisebaa nɛ yɛ kó sihekɛsí. ²⁸ Nɛ Sikidaki nɛ Mɛkonna nɛ dɛ kó sihekɛsí ²⁹ nɛ Ā-Dimɔɔ nɛ Tisodea nɛ Yadamuti ³⁰ Sandoaa nɛ Adudammu dɛ kó sihekɛsí nɛ Dakiisi nɛ o kó sihekɛsí nɛ Asekaa nɛ o kó sihekɛsí bè do bo Bɛɛrisebaa bakù cǎnku nku kɛntɔ kɛtuɔkɛnɛ Inɔmmu kó kubiriku kubakù yóú bíékè.

³¹ Bensamɛɛ wuɔ nkɔbɛ do bo Kebaa nɛ Mikimasi nɛ Aya nɛ Betɛeri dɛ kó sihekɛsí nsi, ³² Annatɔti nɛ Nɔbu nɛ Ananniya ³³ Asɔɔ nɛ Damaa Kitaimmu ³⁴ Adidi nɛ Siboyimmu nɛ Nɛbadadi ³⁵ Dɔdi nɛ Anɔɔ nɛ bè do tú dɛ beyántibè kó kubiriku.

³⁶ Kɛ Defiibɛ mabè mbo Sudaa kɔbɛ nɛ Bensamɛɛ kɔbɛ cuokè.

12

Bè bàtɛmè ikuó niùbè nɛ Defiibɛ

¹ Ntɛ ikuó niùbè nɛ Defiibɛ bèè do nɛínɛ Sodobabɛɛri Seditieri birɛ nɛ Sosuwee kékò Sedisadɛmmu Sedayaa nɛ Sedemii nɛ Esidadasi ² nɛ Amadia nɛ Maduki nɛ Atuusi, ³ nɛ Sekanniya nɛ Edeummu nɛ Mɛdemɔti. ⁴ Ido nɛ Kinnɛtoii nɛ Abiya. ⁵ Minyaminni nɛ Maadia nɛ Bidikaa, ⁶ nɛ Semmaya nɛ Yoyadibu nɛ Yedaya. ⁷ Saduu nɛ Amɔki nɛ Idikiya Yedaya bèè do tú bèè ní ikuó niùbè bɛmbɛ nɛ bɛ tebíi Sosuwee kó dimɔnni. ⁸ Defiibɛ miɛkɛ Sosuwee nɛ Binnuii nɛ Kadimiɛdi nɛ Sedebia nɛ Sudaa nɛ Matanniya nɛ o tebíi bèè do niù iyie nKuyie nɛíɛtè miɛkɛ. ⁹ Kɛ bɛ tebíi Bakibukia nɛ Unni kè bè mbo bɛ ìkè kɛ pĩ mɛ kó mutɔmmú.

Ikuó niùbè diɛbè kó yeyètè

¹⁰ Sosuwee weè do pɛítɛ Yoyakimmu kè Yoyakimmu pɛítɛ Ediasibu kè Ediasibuu pɛítɛ

Yoyada. ¹¹ Kè Yoyadaa peité Yonnatanni kè Yonnatannii peité Yadaa.

¹² Yoyakimmu kó dimònni kè ikuó nìùbè bèè baké tinaàmùnti bèè tu biè: Sedaya wèè do baké Mèdaya kó kunaàmùnkù kè Ananniya mbaké Sedemii kòku. ¹³ Kè Mèsudammu mbaké Esitadasi kòku, kè Yoananni Amadia kòku. ¹⁴ Kè Sonnatāā mbaké Mèduii kòku, kè Sosefu mbaké Sebanniya kòku. ¹⁵ Kè Adina mbaké Adimmu kòku, kè Edikaii mbaké Mèdayoti kòku. ¹⁶ Kè Sakarii mbaké Ido kòku, kè Mèsudammu mbaké Kinnetonni kòku. ¹⁷ Kè Sikidi mbaké Abiya kòku, kòò tòu mǎu mbaké Minyaminni kòku, kè Pidotayii mbaké Mǎadia kòku. ¹⁸ Kè Sammuyaa mbaké Bidikaa kòku, kè Sonnatāā mbaké Semmaya kòku. ¹⁹ Kè Matennaii mbaké Yoyadibu kòku, kè Usii mbaké Yedaya kòku. ²⁰ Kè Kadaii mbaké Sadaii kòku, kè Ebeè mbaké Amōki kòku. ²¹ Kè Asabia mbaké Idikiya kòku kè Netanneyēdi mbaké Yedaya kòku.

²² Ikuó nìùbè diebè Ediasibu nè Yoyada nè Yosannani nè Yadaa be kó dimònni kè bè wǎūmu Defiibe kó bekótibè yètè kéntò kétuǎkenní Dariyuusi Peresi tenkè kóo kpààti diewè kó dimònni.

²³ Defii wuǎ nkǎbe bèè baké bè do wǎūmu be yètè okpààti dǎòrìmè pátiri miēke kéntò Ediasibu bire Yosannani kó dimònni.

²⁴ Bèè do baké Defii wuǎ nkǎbe bèè do tú Asabia nè Sedebia nè Sosuwee nè Kadimiēdi bire nè be tebií sù do ã mbo be ìikè ke diè Kuyie nkóo nìti Dafiti kó iyie, bá wè o kó mēfiè ndòmme kè bè ndiè nke sǎntí Kuyie.

²⁵ Matanniya nè Bakibukia nè Abudiasi nè Mèsudammu nè Tadimǎo nè Akubu beè do tú

bèè bàa yebòrè kó yetuo tinènti do ã nhã yèè mièke.
²⁶ Bè do pĩ mbè tōmmú Sosuwee birè Yoyakimmu, Yotisadaki yaàbire kó dimònni ndi. Neemii weè do tú kùmàndàà kè Esitadasi tu ikuó niùtì nè ikuó wǎàtì de kó dimònni.

Bè baámmè kuduotí kó dibanni

²⁷ Ti maá dìi mònni Sedisadèmmu kó kuduotí kédeè, kéce nDefiibe εκεσί simou mièke, ké bè nàké kè bèe tíi nSedisadèmmu kè tí ànné dibanni kéndiè nyiyiè nke bie nyebàrè nè tikùtidùùti nè tibómbonti, ke déúkùngo Kuyie nyètiri. ²⁸⁻²⁹ Beyèndèmbè bèe do maá kéfité Sedisadèmmu nè ditènni Nefotaa kétúóté Bèti-Kidikaadi kènto kètuakènè Kebaa nè Asimafeti, kè bèe tínni Sedisadèmmu. ³⁰ Kè ikuó niùbè nè Defiibe kè bèe wénkùnnè bəmáà kéwénkùnnè Isidayeribe bəmou, kéwénkùnnè kuduotí nè yebòrè.

³¹ Kè n tǎǎté Sudaa wuó mmièke bekótibè kéduó nkè bèe deke kuduotí ìnkè kè n toté yedentírè dieyè yèdéè, kè diketirìi kété kubakù you kénwetí bè tu dè Tikùtì kó dibòrì. ³² Kè Osea mbè tũnko nè Sudaa wuó nkó bekótibè dikèè, ³³ Asadia nè Esitadasi nè Mesudammu, ³⁴ nè Sudaa nè Bensamèe nè Sedemii nè Semmaya. ³⁵ Ikuó niùbè mièke, kè Sonnatāa birè Sakarii ntò tēheutè, weè yààribè tu: Semmaya nè Matanniya nè Miseen nè Sakuu nè Asafu. ³⁶ Kè bèe yiénè be tebií Semmaya nè Asadèedi nè Midadaii nè Kidadaii nè Mahaii nè Natanneyèedi nè Sudaa nè Ananni. Kè bè ntò debémbénnè nè sihéú Kuyie nkóo tǎnti Dafiti do dǎò dè. Ikuó wǎàtì Esitadasi weè do ni de kó ditǎnni. ³⁷ Bè tǔòke dìi mònni dibòrì bè tu dì tebinte kó dibòrì, kényóu kuduotí kètũnne yedētisákè yèè kòrìnè Dafiti kó dicēkarì dìi sīī ntekpààtìcǐtè,

képēēté kētuake dibòrì meniē nkperi diyìè yìèní kèè bíékè.

³⁸ Kè didentīnnì dèrìi kété kubakù c̀̀nku bíékè, m̀̀ móm̄muo nkè nní mbè tũ. Kè Sudaa wuə nkó bekótìbè dikéè s̄̀nni n neinè, kè tí tuake fep̄ēēp̄ūnnétofe kó dibòrì kuduotí p̄̀kè dè, ³⁹ kés̄̀oté kētuake Efadaimmu kó dibòrì nè Yesanna kperi, nè bè tu dì siyĩ kperi, kés̄̀oté kētuakenè Ananēedi kó didènnì nè bè tu dì tek̀̀utè kó didènnì, k̀̀p̄ēēté kētuake ipe kó dibòrì ke k̄̀á mbèb̀̀rìbè kó dibòrì.

⁴⁰ Kè yedentīrè yèdéè tuake Kuyie nc̄̀ētè kéta, kè m̀̀ múnke bè neinè nè bebeémbè kó ditīnnì k̄̀be mabè bèè do n neínè. ⁴¹ Kè ikuó niùbè Ediakimmu nè Maaseya nè Minyaminni nè Miseenè Ediyoyennaii nè Sakarii nè Ananniya kè bè eu siheú. ⁴² Kè Maseya nè Semmaya nè Edeasaa nè Usii nè Yoananni nè Madikia nè Edammu nè Esee kè bè diè, kè Sisidasia bè ni.

⁴³ De yiè kè tí fié iwũo péu Kuyie nkémbò diwèi miēke. Kuyie nkuù do tì duó diwèi de yiè, benitipòbè nè ibí kè bè nyānku Sedisadēmmu, bèè bo medétimè kè bè nyo bè ùtímè.

Ikuó niùbè nè Defiibe bè dò nkénte dè

⁴⁴ De yiè kè bèe tāāté benitìbè kè bè bo mbaa tidieti kéc̄̀ú tidiiti bè p̄̀ā ntì Kuyie nnè tidiketiti nè dep̄̀ínnè bèè bo depaa ke kuuti bè dò nke ní duó ndè ikuó niùbè nè Defiibe kpéi. Benitìbè do péns̄̀ir̄̀imu Defiibe nè ikuó niùbè bè p̄̀i mmùu tōmmú. ⁴⁵ Kè bè mp̄̀i nkuyie ntōmmú ke d̄̀ori m̄̀ewénkumè kó ikuó benitìbè, b̄̀embe nè beyendèmbè nè bèè bàa yebòrè bè do tũ nkuyie nkóo t̄̀ntì Dafiti nè o bire Sodom̄o bè do d̄̀u ndi nùu ndi, ⁴⁶ k̄̀túóté Dafiti nè Asafu be kó dimònnì bèè niù iyie mbè do bomu ke ní

nni beyendembè kè bè dèúkùnkò Kuyie nyètìrì kè kù sántí. ⁴⁷ Sodobabæeri kó dimònnì nè Næemii kperi Isidayæeribe bemou do duómumu bè dò nkéduó ndè bédèmbè nè bèè bàa yebòrè bá diì yìè, kédèi dèè tu Kuyie nkperε kédudò nDefiibe kè bèè dèi ikuó niùbè Anou yaàbí kperε kè bè duó.

13

Næemii do wète kètũntemè Kuyie ntõmmú

¹ Mèmmè bè kàammè Mõyiisi wãri ìi kuó káyà tí wãrimè kè tú Amõniibe nè Mõabiibe bè bá nkóké Kuyie nkòbe kó ditĩnnì bìtì nè bè bo mbomè. ² Kè yé bè do í comè Isidayæeribe kè bè pã mudii nè menie, bεè Mõabiibe bεè do yietí Badammu, kòo bõnté kusĩnkù Isidayæeribe kè ti Yiè nKuyie nceete de kó kusĩnkù kè kùu naá mmesàà. ³ Bè kàa ndii mònnì Kuyie nkuó pátiri kè Isidayæeribe dènne be cuokè bèè kó dimàà í tú Sifube weti weti.

⁴ Dè do ś nyikuó niùtì nhEdiasibu weè baké Kuyie ncĩètè kó tidieti. Ò né do mε ntaunnèmè Tobiya ⁵ kòo ò duó nkudieku makù bè do ãà kù yepãrè bè pãã nyè Kuyie nnè ku cĩètè kó tinentì nè depínnè bè do ãã nóté dè kédudò nKuyie, tidiitì nè menaà mpàmmè nè mekùò bè do dò nke ní duó ndè Defiibe nè beyendembè nè bèè bàa yebòrè nè dèè do tú ikuó niùbè kperε.

⁶ De kó dimònnì dè do ś mmí nNæemii n yí bo Sedisadæmmu kè yé okpààtì Aditakisesi kpàtì benni sipísitàãtì nè yèdèè miεke n do kàtemè o borè Babidõnni kè ti dò yewe sámpró kòo m pã kuce kè

n wētení Sedisademmu. ⁷ Memème n yàmè meyei Ediasibu do dòòmè kédúó nTobiya Kuyie ncíètè kó kudieku makù. ⁸ Kè dè n yonke mediè, kè n denne Tobiya kó tinenti timou de kó kudieku mieke, ⁹ kédúó nkè bèè kù dòò mewénkùmè kó ikuó. Kè n taní Kuyie ncíètè nenti nè yepārè bè kù pã nyè nè tihúúnti kέwēte kέtanné ku mieke.

¹⁰ Kè n keè bè ténke í duòmmè Defiibe bè do dò nké mbè duò ndè, bembè nè bedèmbè kè bè ciété ke kũótí be paa nke yóu Kuyie ntómmú. ¹¹ Kè n kpannè bebeémbè mùù kpéi nte kè bè yóu kè Kuyie ncíètè kó mutómmú do, kèdeè kétéi nDefiibe kédúó nkè bèè sòoté be tómmú. ¹² Memème kè Sudaa kabè bemouu ndei be kperè bè mòke de kó depííndè ke ãã Kuyie nkó yebuó. ¹³ Kè n tāāté ikuó nùtì Sedemia nè ikuó wāātì Tisadaki nè Pedaya Defii wuó nkou, kè Matanniya bire Sakuu kó debire Annani nhò teénnè, bè do bè yému kè be dòòrìmè síé, kè m bè duó mmutómmú kè bèè nte bè bo ntotimè tidiiti be tebíí.

¹⁴ Áú! N Yìè nKuyie nha báá yè n kpéi nè m pí mmùù tómmú sààmù a cíètè mu kpéi nnè n tūnnèmè a kuó.

¹⁵ De kó yewe mieke baka kè n yà benitibè Sudaa èi mieke kè bè nàù fínýĩ kó yebe diyetituo mieke teòmpùtè yìè kè betòbè tou tidiiti ke deenko be sãmmarímúbè nè menaà mpàmmè nè fínýĩ kó yebe nè fikíè kpèye nè tinenti teti péu ke kũūnnè Sedisademmu, kè m bè cau nke dò bè bá nfiiti be potanti teòmpùtè yìè. ¹⁶ Kè Tiiri èi kabè bèè bo Sedisademmu kè bè touní siyĩ nè tipotanti tibotí

tibotí ke fiitinè Sudaa kabe Sedisademmu miéke teomputè yie. ¹⁷ Kè n kpannè Sudaa kó bekótibè ké bè nàké ke dà: Di dɔɔri ba mbotí nku ke sɔnkunko teomputè kó diyie? ¹⁸ Dè í dò ndi yembè do me ndòò, kè Kuyie nduó nkè meyei nti do, tínti nè ti eìà? Di sɔnkunko diì mɔnni teomputè kó diyie di dake íinko Kuyie mmiéke nke Isidayeeribe ñnkè. ¹⁹ De mɔnni ndi n duómme kè bè ní kpetínné Sedisademmu kó yebòrè kuyuoku kè dèe wenté teomputè, kémbaanè teomputè bo pɛ̀témè kè bè né yè kpeté, kè n deite n kabe mabè kébannè ké bè nàké ke dò bè báá yie nkè tipotanti matii tanní dihei teomputè yie. ²⁰ Kuce mèmáà ndi yoo mèdémè n yàmè bepotambè dènnemè be potanti kékénné kuduotí fɔnkúò. ²¹ Kè m bè kpannè ke dà: Dè dòmmè kè di kénné kuduotí? Kè di dè yie n yóó di pɔmmu. De kó diyie nè yewe yèè kraaní òmòu ténke í nyènnè tipotanti teomputè yie. ²² Mèmmè n nàkémè Defiibe ke dò bèe dɔò bémáà mewénkùmè kó ikuó kékote kémbaa yebòrè kè dèe yie nkè bè báá sɔnkunne teomputè kó diyie.

Nè de kpéí, áú! Kuyie nha nyé n kpéí, fɔ́ nwèè tu osàù, á n kuó mmesémmè.

²³ Mèmmè n yàmè Sifube mabè tùókémè Asidodiibe nè Amɔniibe nè Mɔabiibe miéke benitipòbè. ²⁴ Kè bèmabè náá nhAsidotiibe kó tináaanti kè betòbè náá ntiteti, bá bè ténke í náá nSifube kó tináaanti. ²⁵ Kè m bè kpannè mediè ké bè bɔnté kusɔnkù, képuotí besũkùbè kɛ̀fɔri be yùti, kéduó nkè bèe parikè kényú Kuyie nyètiri ke dà: Ti í yóó bè duó nti kó besapambè kè bèe puó mbe bí, ti me nyí yóó túóké be kó besapambè képuó nti bí yoo tí bè puoke ti mómmɔmbe. ²⁶ Kè m bè nàké de kó meborime

meè bømmè Sodomω wèè do tú Isidayεεriβε kóo kprààtì, ibotí teì imou miεke okprààtì mōù do í bo wèè ò mǎnnè tikpàtì Kuyie ndo ò dómu kóò dǎò okprààtì kòo mbaké Isidayεεriβε bεmou. Nè memme kè benitìbè ibotí teì kabεε ò tēnte kòo yeténè Kuyie. ²⁷ Kè m bè kprannè ke dà: Ti ténke í dó kékeè kè di dōori meyei ndiemè miε mbotí ke tóú ibotí teì kó benitipòbè ke caàri Kuyie nyètìrì.

²⁸ Dè do sǎ ikuó nìùtì diεwè Ediasibu birε Yoyada po Sāmbadaa Odoniibe botí kou kóo sapàà nwe, kè nh ò bèti m borè.

²⁹ Kuyie nha nyé de kó benitìbè kpréi bèè do càke a yètìrì nè a tōmmú, kētōte metaummè a do dǎònēmè ikuó nìùbè nè Defiibe.

³⁰ Memme m bè dǎòmè mewénkùmè kó ikuó kéwēte kékanne ikuó nìùbè nè Defiibe bá wè o tōmmú. ³¹ Kè n wēte kédou mmeffiè ti yóó ntouní mèè botí idéi Kuyie ncǎètè nè tidipàntì.

Kuyie a nyé n kpréi ké n dǎò mesàà.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16